

Bosniako musulmanak armatuko dituela esanez presionatzen dihardu Washingtonek

Apirilaren 26a baino lehenago bake plana onartzeko ohartarazi diete serbiarrei

Estatu Batuek
Jugoslaviako Bake
Negotzietan onartutako
bake plana onartzeko
ohartarai zieten serbiarrei
edo bestela nazioarteko
komunitateak herri horren
aurka neurri gogorrak
hartuko dituela azaldu zien.
Neurri gehigarri horien
artean Bosniako
musulmanak armatu eta
Serbiaren aurka zigor
ekonomikoak indartzea
leudeke.

WASHINGTON

Eguna apirilaren 26rako dago ezarrita, Moskuk hala eskatuta aurreko egunean Errusian egingo den erreferendumen emaitza eraginik izan ez dezan. George Stephanopoulos Etxe Zuriko bozeramaileak adierazi zuenez, Bill Clinton EEBetako lehendakaria serbiarren aurkako zigorrak gogortu eta Bosniako musulmanei arma enbargoa altxatzeko aukerak aztertzen ari da, baldin eta Serbiak eta Montenegrok eraso militarrik egiten segitzen badute.

Stephanopoulosen gaineratu zuten presionatzen ari direla serbiarrek negoziaketa mahaira joan daitezkeen. Jugoslavia ohirako emisari iparramerikarrak, Reginald Bartholomewek, bilera bat izan zuen herenegun Radovan Karadzic Bosniako serbiarren buruzagiarekin eta Nazio Batuek bultzatutako bake plana sinatzeko eskatu zion. «Argi eta garbi esan diegu serbiarrei Estatu Batuek eta nazioarteko komunitateak izu militarri amaiara ematea nahi dutela».

Gerra frontean serbiarrek Srebrenica inguruko setioa ixten ari dira, iturri musulmanen arabera. Iturri hauek ziotenez, azken erasoetan zortzi lagun hil ziren eta 21 zauritu, serbiarren artile-



Srebrenicatik Tuzlara iritsi diren errefuxiatu musulmanak.

EPA

Buruzagi ohiak gogor

DONOSTIA

■ Bosniako gerra dela eta, duela gutxira arte nazioarteko buruzagi nagusi izandakoak ez dira isilik egon. Herenegun Margaret Thatcher Erresuma Batuko gobernatzaileak buruzagi ohiak mendebaldeko jarrera kritikatu eta musulmanei armak emateko eskatu zuen eta horrek bestalde, britainiarren oniritzia jaso zuen —sortutako iskanbila-

ren ostean egin zen inkestan, britainiarren % 60k Burdinazko Damarekin bat egin zuten—. Garai bateko enfrontamendu dialektikoa gaurkotuz, Mikhail Gorbaxov gogor kritikatu zituen Thatcherren adierazpenak, gatazkak indarra erabiliz inoiz ez direla konpondu adieraziz, eta Vietnam, Afganistan, Nikaragua eta Namibia jarri zituen adibide-tzat. «Batuetan badirudi Mar-

garet Thatcherrek berak bere herrian inoiz erabiliko ez litzukeen aholkuak ematen dituela. Ipar Irlandako gatazka ezagutzen du zue. Zergatik ez da indarra erabiltzen gatazkari amaiera emateko? Ezinezkoa delako. Orduan, zergatik erabili indarra beste gatazketan?» adierazi zuen Gorbaxov. Berarentzat negoziaketa politikoa da edozein gatazkari amaiera emateko bide bakarra.

riak eginiko azken bonbardaketan alegia.

**NEGOZIAKETATIK
IRTETEKO
MEHATXUA**

Radovan Karadzicek Bartholomewekin hitz egin ostean adierazi zuen serbiarrek negoziaketa-

tak utz litzaketela presioek segitzen badute. Psikiatra serbiarrek gaineratu zuen azken erabakia —bake plana onartu edo elkarriketatik aldegin— Bosniako serbiarren artean eginiko erreferendumen emaitzak eman lezakeela.

Iragarrita zeuden neurriak hartzeaz dauden bitartean, EEBko aditu militar eta Etxe Zuriko pertsonalaren artean ezkortasuna da nagusi, eta azken oharrak ez du baztertu, Bosniako odolustearen aurrean aukera guztiak txarrak diruditen sentimentua.

Bosnian esku hartzea berriz ere eztabaidagai

NEW YORK

Nazio Batuek Bosnian dituzten funtzionarioek orain artean eutsi nahi izan dioten neutraltasuna hautsi eta serbiarrek azken egunotan bultzatu dituzten «sarraskiak» gogor kritikatu dituzte. Herriar zibilen aurka berriki egin diren bonbardaketa larriek gainera, berritu egin dute oraingoan ere nazioarteko eskuhartze militarren bidegarritasunaren eztabaida.

Oraindik Jugoslavia Ohirako Konferentziako lehendakaria den Cyrus Vance iparramerikarrek ere onartu egin zuen herene-

gun «gosez dituzten eta hilko dituzten mehatxatzen dituzten herritarrek babesteko indarra erabiltzea batzuetan beharrezkoa» gertatzen dena.

Konferentziaren lehendakari-tza behin-betikoz utzi aurretik Vancek hamar eguneko atsedena hartu du. Bere lana utzi aurretik baina, bere kide izan den David Owenekin batera eraturiko bake planaren baliagarritasuna azpimarratu nahi izan zuen iparramerikarrak. Hala ere, «borroka berrindartze larriak zeharo izutua» duela azpimarratu zuen.

Jugoslaviako Konferentziako

lehendakari-tza uztera doanak zehaztu zuenez, inoiz ez dio ezeztik esan eskuhartze militarri. Dena den, indarra erabiltzeko erabakia aldean arteko negoziatio eta akordio politikoa lortzeko helburuz hartu beharko litzatekeela ekarri zuen gogora.

Nazio Batuek baina, sinesgarritasun handia galdu dute Bosniako gerran, Cyrus Vancek adierazi nahi izan zuenez. Horren adierazle garbia da pasa den astean Serbia eta Montenegrok osatzen zuten Jugoslaviaren aurka agindu beharreko zigorrak Errusiako krisiagatik atzeratu izana.

Butros Gali Nazio Batuetako idazkari nagusia ere guztiz kezkatua daukate azken egun hauetan izandako erasoek. NBEko arduradunak Srebrenicaren aurkako bonbardaketek sortzen dien haserreaz azaldu zuen atzo Italiara egindako bisitaldian, eta «justifikaziorik ez duten» saioak eteteko «larrialdizko deia» egin zuten indar serbiarrei.

«Srebrenicako egoeraren berri jakin dut azken egun hauetan, eta bertako herritar zibilen aruka egindako erasoek sortzen didaten haserre bizi azaldu nahi dut», adierazi zuen gogor idazkari nagusi egiptiarrak.

Atzeratu egingo da King kasuko epaia epaimahaikide bat gaixo jarri da eta

LOS ANGELES

Los Angeles adi-adi duen Rodney Kingen epaiketako azken erabakia uste baino gehiago atzeratuko da, epaimahaikide bat gaixotu egin da eta. Adituek adierazi dutenez, gertakari honek eztabaidei hasieratik ekitea ere behartu lezake epaimahaia.

Rodney King gazte beltza jipoitu zuten lau polizia zurien aurkako epaiketaren ardura duen John David epaileak guztiz asalatu zituen herenegun azken erabakiaren zain dauden herritar, kazetari eta agintariak. Izan ere, epimahaikidearen gaixotasunak eztabaidak eten egingo zituela iragartzeko epaiketako partaide guztiak bildu baitzituen auzitegian.

Iragarpenaren aurretik gora egin zuen tentsioak. Ordubetaren buruan mota guztietako zurrumurruak zabaltzen ziren Kaliforniako hiriburuan eta okerrenerako prestatzeari ekin zioten herritarrek.

Bertako irrati eta telebista kateek programazioaren jarduna eten egin zuten David epaileak epaimahaikide, salatuak eta abokatuak biltzeko deia egin zuela jakinarazteko. Berria jakin bezain laster, langile zenbaitek lanari utzi eta euren etxeetarako bidea hartu zuten, dendariak ere ateak itxi zituzten. Psikosia baina, ez zen herritarren artean bakarrik zabaltzen, Poliziak ere indartu egin baitzituen Los Angelesen barrena zabaltzen dituen segurtasun neurri ikaragarriak.

**TENTSIO
GIROA
GORANTZ**

Herenegun arratsaldean gertatutakoak, larunbatz geroztik Los Angeleseko kaleetan bizi den tentsioaren adierazle garbia da. Pasa den asteburuan hasi ziren epaimahaikideak «euren bizitzako erabakirik zailena» hartzeko eztabaidetan. Harrezkero, epaia noiz jakinaraziko den zain-zain daude herritarrek, pasa den urtean lau poliziak kargurik gabe aske utzi zituen epaia errepikatuko balitz, iaz izandako liskar eta enfrontamenduak motz gertatu litezke eta. Pasa den urteko apirilean 53 pertsona hil ziren eta 2.000tik gora zauritu. Kalte materialak 1.000 milioi dolarretik gorakoak izan ziren.